

Edukacijom

do bolje budućnosti



20 godina smo sa vama,
budite i Vi dio ove priče!



BESPLATNI KURSEVI

www.kckfmostar.com



3	O CENTRU
4	EDUKACIJA
7	KURS ARAPSKOG JEZIKA
8	KURS ENGLESKOG JEZIKA
9	BOSNIAN LANGUAGE COURSE FOR FOREIGNERS
13	KALIGRAFIJA
16	INFORMATIKA
19	OSNOVE INFORMATIKE
21	NAPREDNA INFORMATIKA

Kulturni centar “Kralj Fahd” nastao je inicijativom i velikodušnošću Njegove ekscelencije kralja Selmana bin Abdul-Aziza. Centar je otvoren 15. septembra 2000. godine, a prvi edukativni procesi u Mostaru realizirani su 2006.

Primarni cilj Kulturnog centra “Kralj Fahd” u Mostaru je učvršćivanje prijateljskih veza između Kraljevine Saudijske Arabije i Bosne i Hercegovine i to posredstvom oživljavanja naučnih i kulturnih događaja kroz vlastite programe.

Osim toga, Kulturni centar “Kralj Fahd” u Mostaru aktivno radi na promociji i podučavanju arapskog jezika te razvijanju vještina i znanja građana Bosne i Hercegovine kroz različite oblike edukacije.

Naši kapaciteti dostupni su za sve građane BiH bez obzira na njihov spol, religiju, etničku i nacionalnu pripadnost, i najvažnije, sve usluge Centra su besplatne.

Edukacija

Ugodnom ambijentu i savremeno opremljenim učionicima uz angažman visokokvalificiranih predavača, sa bogatim iskustvom i znanjem, nudimo besplatne certificirane kurseve iz različitih oblasti na polju edukacije:

- kursevi stranih jezika: arapski i engleski jezik, kurs bosanskog jezika za strance
- kurs kaligrafije
- kursevi informatike: Windows 10, MS Word, Excel, PowerPoint, Internet, Baze podataka 1, Baze podataka 2, Grafički dizajn 1, Grafički dizajn 2, Grafički dizajn 3, HTML & CSS, Programiranje 1,2,3, AutoCAD 2D, ArmCAD, Tower, Wordpress, Digitalni marketing, Excel napredni.

**“Obrazovanje je
najmoćnije oružje
koje možete upotrebiti
da promijenite svijet.”**

Nelson Mandela



Kurs arapskog jezika

Učenje i poznavanje stranih jezika smatra se nophodnim za svakog pojedinca, kako u ličnom, tako i u profesionalnom životu. U skladu s tim, nastavni plan i program prilagođen je svim dobnim skupinama i utemeljen je na najsavremenijim metodama podučavanja, čime se polaznicima omogućava sticanje znanja iz oblasti gramatike i vokabulara kao i funkcionalnog jezika za svakodnevnu upotrebu. Arapski jezik je jedan od šest službenih jezika organizacije Ujedinjenih nacija. To je jezik kulture, nauke, književnosti i umjetnosti sa čuvenom viševjekovnom tradicijom. Uzevši u obzir sve navedene činjenice, Kulturni centar "Kralj Fahd" preuzeo je obavezu očuvanja vrijednosti arapskog jezika. Visokokvalificirani stručni tim Centra usmjerio je svoje napore ka pripremi i izdavanju serijala knjiga za učenje arapskog jezika pod nazivom "Tawasul". Uz knjige je pripremljen i dodatni materijal u vidu audio CD-ova, postera i flash kartica koji učenje jezika čine lakšim i zanimljivijim. Istaknuti stručni tim mladih profesora na pristupačan, inovativan i kreativan način kod polaznika budi interes, motivaciju i ljubav za učenjem i usavršavanjem arapskog jezika. Kursevi se odvijaju dva puta sedmično u trajanju od dva sata. Kandidati koji posjeduju određeno znanje iz arapskog jezika rade test za određivanje nivoa (placement test), kako bi bili raspodjeni u odgovarajuću grupu. Jedan nivo kursa traje osam sedmica nakon čega se radi finalni ispit, od čijeg rezultata zavisi sticanje certifikata. Upis se vrši putem online prijave ili lično na recepciji Centra.

- *I stepen – A1*
- *II stepen – A2*
- *III stepen – A2+*
- *IV stepen – B1*
- *V stepen – B1+*
- *VI stepen – B2*
- *Konverzacija*
- *Arapski jezik za turizam i turistički menadžment*



انا ليلى، عندها اروز جدي وجدتي
العب مع اولاد عمي واولاد عميتي

انا سامر، انا متزوج وعندي ولد واحد
وبنت واحدة، ابي غمر الحزب
متزوج بعد سنة، ان شاء الله

“Dovoljno je i to da nakon smrti čovjeku se prekidaju djela, osim troje, a jedno od tih djela jeste “...znanje kojim se drugi koriste.” (Muslim, 1631)”

Kurs engleskog jezika

Kako je poznavanje engleskog jezika postalo nezaobilazno u svim sferama ljudskog života i često bitan, ako ne i presudan kriterij pri apliciranju za određena radna mjesta ili prijem na određeni univerzitet, učenje engleskog jezika više nije samo pitanje želje, nego je i potreba.

Istaknuti stručni tim mladih profesora na pristupačan, inovativan i kreativan način kod polaznika budi interes, motivaciju i ljubav za učenjem i usavršavanjem ovog jezika. Program nastave kursa engleskog jezika izvodi se po udžbeniku New Headway (Oxford University press).

Udžbenik je bogat vokabularom i tematikama iz svakodnevnog života. Akcenat je na obnavljanju i uvođenju novih jezičkih cjelina pri čemu se koriste sve četiri vještine upotrebe jezika: slušanje, čitanje, govor i pismeno izražavanje. Polaznici predstavljaju sebe i upoznaju druge, prave samostalne prezentacije, zatim obrađuju teme iz svakodnevnog života upotrebljavajući vokabular, gramatiku, i jezičke vještine koje su usvojili ili dalje usvajaju tokom pohađanja nastave. Nakon završenog kursa, naši polaznici su spremni za samostalnu komunikaciju na engleskom jeziku, putem usmenog i pisanog izražavanja, kao i upotrebu funkcionalnog jezika u svakodnevnom životu.

Upis se vrši putem online prijave ili lično na recepciji Centra.

Polaznici koji imaju određeno predznanje engleskog jezika imaju mogućnost testiranja za određivanje nivoa znanja. Na osnovu rezultata testiranja polaznike raspoređujemo u grupe odgovarajućeg nivoa kursa. Ukoliko kandidat nema prethodno znanje, može se prijaviti za početni nivo bez polaganja placement testa.

Jedan nivo kursa traje 4 ili 6 mjeseci (u zavisnosti od nivoa) i podijeljen je na dva/tri modula (u zavisnosti od nivoa). Nastava se izvodi dva puta sedmično u trajanju od dva sata. Kursevi se održavaju u poslijepodnevним terminima od 17.00 i 19.00 sati. Na kraju svakog modula, polaznici rade pismeni test.

- **Beginner - A1**
- **Elementary - A2**
- **Pre-Intermediate - A2 +**
- **Intermediate - B1**
- **Upper-Intermediate - B2**
- **Advanced - C1**



Kurs bosanskog jezika za strance namijenjen je osobama koji nisu izvorni govornici bosanskog jezika, a žele ga naučiti, odnosno unaprijediti i usavršiti. Uz pomoć visokokvalifikovanog nastavnog osoblja, polaznici kursa će, uz usvojeni vokabular i gramatiku, biti spremni za praktičnu upotrebu bosanskog jezika, što će olakšati njihovu integraciju u bh. društvo. Kursevi su osmišljeni tako da polaznici nauče koristiti bosanski jezik u svakodnevnom životu. Naglasak je na vježbanju izgovora i funkcionalnom poznavanju gramatike. Kurs je besplatan, te se održava dva puta sedmično. Studenti su podjeljeni u manje grupe. Nakon uspješno položenog završenog ispita polaznik dobiva certifikat.

The course of Bosnian language for foreigners is designed in order for students to acquire necessary vocabulary and knowledge in grammatical categories needed for communication in Bosnian language. Courses are held twice a week (in 2 hour sessions). Students are divided into small groups. The course is free of charge and students who successfully complete the course will get a certificate.

- **Početni nivo / Beginner - A1**
- **Elementary nivo - A2**

Bosnian language course for foreigners

Kurs kaligrafije

U cilju očuvanja arapske kaligrafije, ne samo kao izraz umjetnosti već i kao iskaz duhovnosti, tradicije i kulture, svi zainteresovani kandidati imaju mogućnost pohađati kurs kaligrafije na kojem se izučava rukopis sulus.

Na kursu se kandidati upoznaju sa osnovama klasične arapske kaligrafije (historijat i materijali), te se osposobljavaju za pisanje i razumijevanje kaligrafskih ispisa i time uvode u umjetnost arapske kaligrafije.

Kurs traje 8 sedmica i podijeljen je na tri nivoa. Po uspješno završenom ispitu, polaznici dobivaju certifikat.

*“Cilj umjetnosti nije da predstavi vanjsku pojavnost stvari, nego njihov unutarnji značaj.”
Aristotel*


Vaš uspjeh je naš uspjeh!



Informatička pismenost nužan je dio pismenosti u poslovanju današnjice. Uz klasična znanja potrebno je ovladati elementima informatičke pismenosti, odnosno osposobiti se za upotrebu, razvoj i razumijevanje informatičke tehnologije i njene šarolike primjene u privredi i društvu, ili jednostavnije rečeno - osposobiti se za korištenja računara i računarskih programa.

Kursevi informatike odvijaju se u informatičkim kabinetima, koji su opremljeni najsavremenijom računarskom opremom.

- Obuka se odvija po principu jedan polaznik – jedan računar. Pored računarske opreme, za svaki kurs, polazniku su na raspolaganju i besplatni priručnici koje je pripremio visokokvalificirani stručni tim Centra.
- Jedna programska cjelina traje od 6 do 8 sedmica, a nastava se izvodi dva puta sedmično u trajanju od dva sata. Kursevi se održavaju u poslijepodnevnim terminima od 17.00 i 19.00 sati.
- Na kraju svake programske cjeline, polaznici rade praktični test na osnovu čijeg rezultata se stiče certifikat.
- Upis se vrši putem online prijave ili lično na recepciji Centra.



Osnove informatike



“Informacijska pismenost je efikasno korištenje informacija da bi se riješili problemi.”- Paul G. Zurkowski

Poznavanje rada na računaru je imperativ modernog načina poslovanja i potpuno su nezamisliva radna mjesta na kojima se ne koriste barem osnovne računarske aplikacije. Kursevi informatike omogućavaju polaznicima da steknu nova, nadopune postojaća znanja i postanu vješti operateri na računaru. Tokom produktivne nastave polaznici savladavaju:

- osnove korištenja računara i upravljanja datotekama ([Windows](#))
- obradu teksta, unos grafikona, slika, upravljanja podacima ([Word](#))
- tabelarne kalkulacije, proračune, formatiranje sadržaja, napredne kalkulacije ([Excel 1 i 2](#))
- izradu slajdova i prezenatacija ([Powerpoint](#))



Ozbirom da je za mnoge poslove pored osnovnog poznavanja rada na računaru potrebno poznavanje i naprednijih programa, Centar pruža obuku za sve one koji se žele prvi put upoznati s takvim programima ili nadograditi svoje znanje iz oblasti:

- tehničkog projektovanja, crtanja (AutoCAD, ArmCAD, Tower)
- upravljanja i kreiranja web stranicama (Wordpress, HTML)
- modeliranja i održavanja baza podataka (baze podataka 1 i 2)
- kreiranja, uređivanja fotografija, dizajna, izrade i priprema za štampu časopisa, kalendara, podsjetnica, plakata, knjiga (Grafički dizajn 1, 2 i 3)
- programiranja (programiranje 1, 2 i 3)
- osnova i razvoji marketinške strategije (Digitalni marketing)

Korištenje složenijih programa svakako predstavlja kompetitivnu prednost i čini osobe konkurentnijim na tržištu rada.

Napredna informatika



20 godina zajedno ostvarujemo ciljeve i ustrajavamo u izazovima....



*Upis se vrši putem online formulara
na službenoj stranici Kulturnog centra "Kralj Fahd" Mostar
www.kckfmostar.com
ili lično na recepciji Centra
Kresina 2, Mostar 88000*

